



Aqqalu C. Jerimiassen

UPA 2023/70

Atassut

17. April 2023

Ikiaroorartup cannabis-ip inerteqqutaajunnaarsinneqarpat pitsaaqutai aammalu ajoqutai misissuiffiqineqarnissaat siunertaralugu Naalakkersuisut nassuiaammik suliaqaqqullugit Inatsisartut aalajangiiffiqisassaattut siunnersuut. Nassuiaat cannabis-ip qanoq inerteqqutaajunnaarsinneqarsinnaanera aammalu qanoq tuniniarsinnaaneranik imaqassaaq kingusinnerpaamillu ukiakkut 2024-imi Inatsartunut tunniunneqassaaq.

(Inatsisartunut ilaasortaq, Kristian Jeremiassen, Inuit Ataqtigiit)

Nuannaajallannangitsuunngilaq, nammineq oqallissaarisuusimalluni, paquminartorsuaq poortuullugu nipaarsaarunneqarlugu sivisoqisumi piusimasoq kiisamiuna oqaluuserineqartalillarmat.

Uumalli qulequttap atuarnernani eqqarsarnalaarsinnaavoq, naasoq Cannabis siunnersuuteqartup taamaallaat ikiaroorartutut naqissusermagu, assigiinnassavaami siaasaassutissaannartut paarnaqutit taagutsigit.

Cannabis naasoq pineqartoq, pitsaaqutaasa ajoqutaasalu nalunaarusiortinnissaat uani eqqartorneqarmat, pingartuuvoq oqaluuserissallugu CBD olie nipaallisaatit atorneqartartoq ikiaroorniutaanngimmat, naasumiilli tassanngaanniit aallaaveqarluni.

Ikiaroorartuinnartuttaarluuna oqaatiginiarneqartarnerata, oqallinniarnungaluaq piffissami sivisoqisumi ingalassimatittarsimangaa.

Allaassangunaraluarpormi allaqqappat, ikiaroorartoq hash pineqartuuppat, taannaammammi naasumit cannabissimit ikiaroorutissanngorlugu suliaasoq.

Nalunaarusioqqusineq uani siunnersuutigineqarnera isertuananga taasinnavara, ajoraluartumik oqallinnermut tamaangaanaq kipisiteratarsinnaammat, nalunaarusiammi naammassereernerini kinguneqarpallaartannginneri takornartaanngimmat.

Namminerlu inuiaqatigiinni oqallissaarisimasutut pakatsinarisinnaavara killiffik maangaanaq nalunaarusiupallannikkut unissappat. Apeqquteqaat aallaavingalugu oqallisissiorpunga, peqqutaatinnerullugu inuiaqatigiinni oqallisineqarnerata nanginnissaa, inatsisartullu akornganni isuma sumiinnersoq inissinniassallugu.

Sunaliuna aqqut maanna qinerlerumagippat? Inerteqqutaajunnaarsinnissaanik misissuisoqarnissaanik siunnerfeqartoqassappat taava kikkummita suliaqartinneqarniarpat? Qulequtaanimi eqqarsaatigissagaanni, taamaallaat nalunaarusiortitsinissaq siunertaammat, taavalu

tunaarterneqarani qanoq ilusilimmik nalunaarusiamik, qanorlu oqimaalutakkamik nalunaarusiortoqarniarnersoq.

Tassa uani eqqarsaatingaara, nunatsinniinnaq nalunaarusiorneq pitsaaqutinik ajoqutinillu ingerlanneqassappat, takorloorsinnaareerparput ajoquterpapiluunersuarnik inerteqqutaajunnaarsitsinngilluinnarnissamillu sammivilimmik saqqummiunneqarumaartoq.

Nalunaarusiassaq akuerineqassappat, naalackersuisugut pisussaaffilertariaqarpagut nalunaarusiaq tassaasariaqartoq, nunarsuaq tamakkerlugu ilisimatuussutsikkut aallaavilimmik tunuliaquteqartuussasoq.

Unami apeqqut inuiaqatigiinni annertoqisumik oqallinnermik pilersitsisimavoq, malittaanillu uagut qinikkat pisussaaffeqarpugut, inuiaqatigiinni oqallineq annertoqisoq ingerlasimasoq illugiimmik tusaaniarfigissallugu.

Ukiorparujussuarni ikiaroorntoq pillugu akiuiniartarneq tusartuarterparput, maannakkumullu pinerluttaalititsisutta taaarsaqalutik inuiaqatigiinni ajunnginnerusoq piutikkusullugu ulapittuarsimanerannut qujassutissaqarfigeqaagut.

Piviusorli illuanittaaq takusariaqarpaput, akiuiniarneq ingerlajueraluortoq ikiaroorntoq takussaajuortoq tusartuarterparput. Anngiortumillu suli inuiaqatigiinni aningaasaqarnikkut annertuumik qernertuliorfiunera miserratisinnaanatigu.

Taamaammatt ukiorpanni paquminartuusimasoq oqaluserissallugu maanna qupisariaqalerparput. Illit uangalu uani pisumi tamatta kalluarneqaratta, apeqqut angeqisoq oqaluserineqarmat.

Nunallu assigiinngitsut inerteqqutaajunnaarsitsisimasut paasisassarsiorfigineqartariaqarmata, suut malittaasimani, suullu assigiinngitsut toqqaannartumik toqqaannanngitsumillu sunniutaasimani nalilersuutigisinnaanngorlugit paasisaqarfigalugit.

Inuiaqatigiinni ajornartorsiutaasut toqqorternagittaaq oqaloqatiigiissutigineq ilikartariaqaratsigit, tassuunakkut suut iternga tikillugu sammisinnaagutsigit, aanngajaarniutaappata ikiaroorniutaappataluunniit ajornartorsiut qanoq ilorraap tungaanut saatissinnaanerlugu naapeqatigiiffigisinnaagatsigu.

Ammaassartorsinnaaneq eqqartorneqassappat, tassani aamma suliaq imaannaanngitsuusussaagamittaaq, qanoq aqutamik pineqarniarnera tamatta ammasumik oqaloqatigiissutigisinnaasariaqaratsigu. Ukiorpanillu aanngajaarniutinut killilersuisarsimani kingunerisarsimasai qanoq kinguneqarsimansoq kingumut qivialaarfigalugittaaq.

Siunnersuummut Atassummiit qujalluta, aappaaneerneqartigani Ilaqutariinnermut peqqissutsimullu ataatsimiitsitaliamukarnissaa innersuupparput.